


晚清珍稀期刊汇编



中国文献珍本丛书

晚清珍稀期刊汇编

(三十九)

全国图书馆文献缩微复制中心

武

学

日本明治四十一年七月三日第三種郵便物認可
 日本明治四十二年五月三十日發行(每月一回發行)
 日本明治四十二年七月二十七日 參照發行

武學

第 壹 期

版 參


本社緊急廣告

一學問高深茫無涯涘而軍事一途尤精進遙舉月異而歲不同本社社員均在求學時代知識尙淺職司編譯貽誤之處在所難免海內外軍學界同志不乏深造明達之士果詳細糾正時賜箴言俾本社日加改良增益軍隊之進步是則本社同人所深望也


一本雜誌自開辦以來曾仿照各雜誌體裁篇幅潤大然頗有郵寄不便之弊茲斟酌改良以便郵遞而期普及祈賜閱諸君諒之

一本社租居麴町區元平河町五番地已及半年之久茲以舍宇過狹諸多不便移居四谷區坂町一百十四番地以後凡本處信件及內地賜稿諸君務祈寄到是處爲盼

全集 社説 成風 立紀 念



特 別 名 譽 發 成 及 職 員 紀 念 照



繪	兆	李	懋	文	楊	欽	邊	京	基	洪	劉	堂	恩	程	芳	傳	孫	章	隆	陳											
臣	璣	史	蔚	會	楊	督	監	生	學	軍	海	陸	日	留	臣	大	本	日	使	出	督	監	副	生	學	日	留	張	景	基	劉

祝武學發刊序

出使日本大臣 李家駒

昔魏武帝有言曰恃文者亡甚矣有國者之不可徒侈文事也。粵稽中土武功之盛史不絕書自海道而後泰西諸國確厲日新出其奇智詰戎訓武而一切胎之於學風馳而霆擊神驚而鬼愕蓋非若春秋戰國秦漢下迄唐宋元明談兵諸家徒矜術略而已顧吾國亦嘗學求製作師灋規制蒐集器械孳孳而未有已然良楮之相懸壯羸之相越又何其遠也。則夫所謂術略者誠亦有不容偏置者歟邇者留東諸子有武學編譯社之設輯成雜誌以餉吾國之軍界今夫諸子之所居者日本也日本近歲若學校若工藝若政事法律莫不步趨泰西至其武備也則尤本尚武之故習副精勵志蔚成勁旅以執東亞之霸權居今日而言武學近取日本固其宜矣諸子用其所學發揚精蘊日進而弗止它日吾國漸至強勝以與東西諸邦相角立則雖謂是編爲兵家前馬可也。光緒戊申二月李家駒叙

祝武學成立書

李士銳

溯自 以迄今茲生民號嘯之階可嚙而數然究其根極固不爲天演所苞而天演之表示於人羣武力殆尤爲昭著大地之上血戰紛拏歷數千百而其間或淪爲亡國或勃建興邦靡不視其種人武力之盛衰以爲著蔡縱觀東西載籍秦牛爲相斫之書而血氣之倫之戶拜先王亦惟有張皇其神武被之詩類流衍人間政教之功力之蔑矣緬我神州實爲軍國在昔明哲因天討而作五刑刻矢弦弧以威天下黃帝尙矣虞夏之盛猶有三苗之窻甘扈之誓姬周定國亦以干戈迄四海枚平猶且建立六師大修戎馬因田制賦寓兵於農至於春秋齊桓晉文相踵而作或佛內政而寄軍令或於被虜以定其民卒能外攘羣夷內安諸夏其効旣如彼章章矣井田旣廢始有徵兵唐之中葉迺行召募沿及近世將萎兵燹武力旣廢國本遂弱海通以來卒招創敗覽古今得失之林者未嘗不太息低徊振臂而興起也今世變彌迫喪亂宏多邦士大夫鑒於強弱之異勢亦旣改弦更始策練新軍矣然數載以來已成之軍僅十餘萬以廣袤萬里四疆多故之秋乃欲恃此少數兵士與列強節制之師相見於疆場絜長比短衆寡之不侔卵石之不敵雖三尺之童猶能燭之奚竣於曠古之慮也哉雖然定勝負之數者量其多寡之程不若較其明闇之度而明闇所由判則以學術爲歸墟近世百學修明而軍事教育尤爲精進遙舉月異而歲不同滿洲之戰血尙殷而各國之方針又變日本新勝探討尤精方略萬端波譎雲譎非窮年索歲殫精竭慮以求之固未由測其涯際也夫吾國以神明首出之都文化武功光昭區夏今不能葆進增舉雄長圖與反攷國步陵夷日蹙百里固已可哀乃至前有餘師猶封故步坐令國家墮於九淵不可復拔則尤可惻也同

人等留學扶桑惟心國故蚤夜以思冀籍他山之經驗供祖國之師資爰發大心潛學博討刊行雜誌以饋同胞度武學之金鉞作軍人之木鐸愛國之士其必有取於斯雖然軍事者變化無常者也可道者其組織法制不可道者其機變權謀故曰運用之妙存乎一心若徒膠柱鼓瑟而昧於因應離嚮之方是又豈同人之微意哉

武學第壹期目錄

◎圖畫

畫

○其「全體社員」

○其「特別名譽贊成員及職員」

◎祝辭

○祝武學發刊叙

○祝武學成立書

◎社說

○武學發刊之意見書

○論今日當貴軍人

○嗚呼戰敗後之俄羅斯

◎教育

○養成軍紀服從綱領說

◎學術

◎步科

○步兵教育之緒論

◎工科

○工科

欽差出使日本大臣

駐日陸海軍學生監督

李家駒

李士銳

劉基炎

卓繼欽

楊曾蔚

宋邦翰

張壽熙

○臨時築城新論……………韓鳳棲

●砲科

○砲兵使用之原則……………張斌

●憲兵科

○說憲兵和陸軍科別概要……………王子甄

◎雜

姐

○隊中日記摘要……………方日中

◎文

藝

○祝武學發刊七律三首○軍魂二首○感懷八首（送同學諸君入日本聯隊有感五律

◎小

說

○軍事神州建國三十年大事記亦名軍人時代……………漸陸

◎調

查

○內國之部……………史繼臣

○外國之部……………同

武學 第壹號

社說

武學發刊之意見書

劉基炎

橫覽八荒。縱譚時局。大地今勢。其爲人民。又安風俗。懿美政教。稷郁文物。炳麟之文明時代。乎此固吾所忻焉。而亟欲縱情以道之者。抑爲槍林劍樹。鸚鵡騰騰。骨肉橫飛。雷電叱咤之野蠻時代。乎此又吾慊慊焉而不忍啓齒以言之者。雖然。吾之所欲縱情以道之者。而現今乃可弗道。而吾所不忍啓齒以言之者。則我身實不能不言也。何則。今日時勢對於國內。尙有文明時代之可言。對於國際。則無在而非野蠻時代之實際。他事且勿言。即以國內法。國際法徵之。凡現世所稱爲文明國者。觀其國內法。雖其中亦間有特別階級行於其際。然一國之人。其法律之規定。則大率以自由平等爲原則。是其人人自由。人人平等。準是而實行之。不恃強力以從事焉。豈非文明之甚者耶。乃反而觀國際法之規定。原理似文明矣。條例似公正矣。然攷世界各國之所實行者。比而觀之。則兩強相遇。兵力在後。乃有國際法之可言。若一強一弱。則弱者直可謂無言國際法之資格。而強者惟肆其鯨吞蠶食。而無人過問。是雖有法。而亦等於無法。實不過資之爲欺飾野蠻之具。而非真實之文明。可知故吾謂今日

時代。勿論何國。皆非有至大之武力。則不足以圖存。而必不能以國內之文明。遂可以巋然突立於大地。蓋既有國際對待之關係。則利害之相反。自有不能調和之中心點。勢不能不出以武力。爲最後之解決。此固自然之勢。縱有大博愛家。亦不能守人道主義。以行於其際。時會使然。無足怪者。且不特此也。各國文明之歷史。其所以能致此者。不惟不因此野蠻之行爲而墮落。且因此而益達其文明之進行。蓋外患迫切。非極力治內以強民。力則必不足以圖存。彼惟思所以對外。故不能不大治其內。以爲抵禦。則現此所認爲國際之野蠻者。乃反爲國內文明間接之導火線。其功效之所至。又豈得謂之極端之野蠻耶。故現今世界。苟非最低等。不能自振之國。即斷無不實行此軍國主義。以立於此天演競爭之場者。若夫唱弭兵論。廢兵說。以及所謂反對軍國主義之諸種議論。以此爲希望文明之根據。匪特爲理想不能實行之空言。且適足以自敗自戕而已。羅馬之起也。閉和平神義思之。祠準備戰爭。而帝國之盛運。以興。及一旦。酈太平忘戰事。而世界之主入。遂一降而爲奴隸。殷鑒在前。良足深懼。餘如古之希臘。埃及。波斯。近代之印度。安南。緬甸。朝鮮。皆以文明之國。廢弛武備。卒底滅亡。此尤可爲痛心疾首者。反而觀之。普魯士以一小國。而建德意志。聯邦。稱大陸者。實俾士麥之鐵血主義。授之也。俄羅斯以莫斯科一小侯國。建設大邦。稱雄全球者。實大彼得之鯨吞政策。遺之也。即後起之日本。其國內文明。尙遠遜於歐美。然以兵力之強硬。而各國曾莫敢撓其鋒。是豈怠於戰爭者之所能至此耶。蓋和平則導文弱戰爭則勵武德。試察古今中外國家之實跡。其士氣腐敗。國運衰頹。乏敵愾之精神者。則文弱之結果也。至於正氣磅礴。國威凜然。光威蓋宇內者。則又非武德之結果。實又萬萬莫能致此也。故近世國家恒以文明對國內。以野蠻對國外。換言之。即以戰爭對國際。以預備戰爭對國內。吾故謂國

內尚有文明之可言。國際則無在而非野蠻之實際。然其實野蠻即文明之護符。文明乃野蠻之產子。是國家苟欲發達其國內之文明。即當從事於國際戰爭爲起點。此亦循理勢之自然而萬不能不由斯道者。觀於爾本法國博士所著國際仲裁論。法律家謂因案件及爲各國開公共之談。何爲解決國家競爭之方法。此不過理想之言。斷難見之實際。謂戰爭爲解決國際之公理。故仲裁不恃有法律。亦不恃第三國以爲參議。惟以戰爭爲仲裁。并謂戰爭爲事物宗教詩歌。剛氣正直之源。泉且引古昔希臘推攷家「耶納枯力頓」之說。以爲據。從可知戰爭之爲用。乃國家之所至。不可忽者。彼世之想像國際和平家。其亦可以廢然反矣。且中國當此時勢。尤有不能已於戰爭者。甲午庚子以來一敗再敗。不能自振。而環球各邦奮其野心。逞其饕餮。於是日佔我臺灣。俄據我旅順。德擁我膠州。英竊我威海。法奪我廣州。餘如琉球、緬甸、安南、朝鮮皆爲我藩屬。悉見奪於他人。諸如此類。其仇恥已蓋可勝言。而國內之領土復駸駸有不可終日之勢。長江一綫盡隸英人。雲廣半壁全歸法領。其他山東之屬於德、福建南滿之附於日、北滿新疆蒙古之屬影於俄、羅斯肘腋之下欲領則領。欲佔則佔。推其所以致此者。實以我無兵力以抗之。故敢於如是也。若我擴張兵力稍能自振。則無論何國又誰敢蔑視而侮我者。惟其武力不充。以致招外人之洊至。吾恐至斯以往。吾之兵力尤仍如故。則全國之土地必委於他人。全國之人民必降爲奴隸。此固勢所必然。而無待於深辯者。雖庚子之役有保全領土開放門戶機會。均等之宣言。其表面之所在似可爲吾國不滅之保證。然其爲一時權宜。不可置信之言。姑不辯。即使能實行焉。我惟守其無爲主義。疲懦政策。而各國皆從事於經濟戰爭。其利益之所在。強我以不得不從。迫我以不能不讓。縱使不分我土地而我民窮財盡。生計艱難。則數十年間亦惟與紅奴黑奴同爲流離餓殍而後已。況乎所謂機會

均等者固爲經濟競爭之憑證。書然又何妨易爲領土瓜分之預約券也。此其危亡之機。間不容髮。曾有人人皆知而不待予之曉曉爲者。故近世一般愛國之士。遂相與羣起而號呼曰。國亡矣。國亡矣。不即時振作。將有不可勝言者。於是創改良政治者。有人。提倡教育者。有人。振興實業者。有人。如東京所發行之雜誌。已可見其一斑焉。惟軍事一科。彼輩非不提暢。然皆不過屬於附屬改革之一物。而并未有以爲最急之先務。蒙竊觀之。似此以爲不然。蓋政治教育實業等固不可不早爲改革。然實未有若軍事之爲急急者。何則。軍事不振。則萬事皆棘手之地。雖欲改革。亦難期成功也。請畧言之。即如法務也。治外法權。各國所有。乃各國凌我之弱。遂藉口於法律之不善。於是通商口岸。競設領事裁判矣。夫我之法律。固不文明。然俄羅斯之法律。又豈完全善良者。而各國曾莫敢行此。是亦可以証矣。無論我之法律。因舊來習慣。斷難驟期以改良。即改良焉。而各國仍不與我以治外。則我其如彼何也。次如經濟也。沿海貿易。列國所禁。乃觀長江及沿海各口岸。盡爲各國轉載貿易之場。買我之貨。轉賣於我。未嘗一回航其本國。而即收其利益。是豈合於公法之處分耶。至於交通。則各省鐵道。皆欲侵爲彼。有鑛山則各省盡安肆其干涉。而南北滿之土地。森林且悉爲日俄之佔據。是欲改良經濟之目的。亦難達矣。再如教化也。信教自由。各國雖不禁。然干預政治。則所必斥。乃觀耶蘇天主縱橫內地。民教交涉。官吏無權。神甫牧師勢埒。督撫而刑民事。皆因之以棘手焉。又如財政也。借貸國債。自有主權。乃近者蘇杭甬路。強我以不能不受。至若進口之稅。其輕其重。皆聽一國之自由。故各國對於進口之稅。皆較於國內所抽者爲多。而我國海關。乃欲值百抽五。而不能得。是豈非辱我無武力者耶。更如外交也。公理平等。常有仲裁。而問島問題。日人且爲無理由之根據。各國曾不過問。以致展丸事件。明明爲不法之行。爲且更壓我以兵力。使不能不遂其野心。則他日等等不法。